

Англин колонсин бääрн-амтс

түрү-зүдү үзлгън

ЛОНДОН, июлин 18. (ТАСС). Барин зәнъгллгъяр болхла, Южи Родезийд эн английск колоня сунъгъврин заканд сольвр орулдсна туск правительственн закана проект барлгддж зарлгддж. Южи Родезийд бääх амтсин ик зунь негрмүд. (Негр улс энүнд хоёр сай шаху, цагъан улснь болхла цуг бийнь 185 минъгъ шаху күн). Тер бийнь негр улсин колоня законодательн хургт сунъгъхд орлцх аргъинь күцстнь таслхар седджәхин тускиг герчлджәнә.

Өдгә цагт Южи Родезийд бääх негрмүд сунъгъврт орлцг аргъ уга, юнъгад гихлә, ода бääх положеняр болхла джилдән багъ гихдән 240 чинънүр стерлинг олдг күн сунъгъврт ордж чадхмн. Южи Родезийд бääх негр улсин джалвнь энүнәс арвдгч хұвнь болхмн. Шин законопроектяр болхла сунъгъврт орлцдж чадх болн сунъгъгдх зөвиг багъ гихдән 720 чинънүр стерлинг джилдән олдг күн эдлдж чадхмн.

Негр улсин зөвиг таслгч

нань чигн кесг статьяс законопроектд бääцхәнә. Тер законопроектиг бичси улсд „Ори-нутгин заллгънд цивилизованн болн даалгъврта улсин гарт бääлг болдгар сунъгъврин зөвин туск зака гаргъхла сән болх билә“ — гидж илднь ичл уга келцхәнә.

Одахн негритянск адвокат Читепо „Родезия геральд“ гидг (Южи Родезийин — Солсберийд гардг) газетд колоньд күүнә зүсәр йилгългънә тускиг цääлгъджәх статья бичдж барлв.

Магазинмүдин ик зунь негрмүдт эд-тавр хулдцхахш, тер бийнь хотл балгъснд негрмүд эврәннь магазинмүд секхиг зөвшәрцхәхш — гидж Читепо заадж келджәнә. Балгъсна центрәс авн 15 мильд негр улс газр эзлх зөв уга. Кемрджән негр ямаран болв чигн учрежденьд ирсн цагт, парадн подъездин лифтәр йовхиг зөвшәрхш. Негр улсиг гостиницд бääхиг зөвшәрцхәхш гидж „Дейли телеграф энд моргинг пост“ газетин лондонск корреспондент Читепон статья давтджагъад немдж келджәнә.